



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՈՒՆԻՑ

Հայաստանի Հանրապետության
հակակոռուպցիոն դատարան,
նախագահող դատավոր Վ.Ստեփանյան

Հայաստանի Հանրապետության
վերաքննիչ հակակոռուպցիոն դատարան,
նախագահող դատավոր Ա.Հովհաննիսյան

2026 թվականի ապրիլի 15-ին

քաղաք Երևանում

ՀՀ Վճռաբեկ դատարանի հակակոռուպցիոն պալատի կոռուպցիոն հանցագործությունների քննության դատական կազմը (այսուհետ նաև՝ Վճռաբեկ դատարան),

Նախագահությամբ՝
մասնակցությամբ դատավորներ՝

Ռ.ՄԻՆԻԹԱՐՅԱՆԻ
Ե.ԴԱՆԻԵԼՅԱՆԻ
Ա.ԿՐԿՅԱՇԱՐՅԱՆԻ
Ս.ՉԻՉՈՅԱՆԻ
Դ.ՎԵՔԻԼՅԱՆԻ

գրավոր ընթացակարգով քննության առնելով ՀՀ վերաքննիչ հակակոռուպցիոն դատարանի (այսուհետ նաև՝ Վերաքննիչ դատարան)՝ 2025 թվականի մարտի 6-ի որոշման դեմ ՀՀ գլխավոր դատախազ Ա.Վարդապետյանի հատուկ վերանայման վճռաբեկ բողոքը,

Պ Ա Ր Զ Ե Ց

Վարույթի դատավարական նախապատմությունը.

1. 2024 թվականի հունիսի 15-ին ՀՀ հակակոռուպցիոն կոմիտեի քննչական երկրորդ վարչությունում ՀՀ քրեական օրենսգրքի 231-րդ հոդվածի 1-ին մասի հատկանիշներով նախաձեռնվել է թիվ [REDACTED] քրեական վարույթը:

2. 2024 թվականի հոկտեմբերի 24-ին ՀՀ գլխավոր դատախազության ՀՀ հակակոռուպցիոն կոմիտեում մինչդատական վարույթի օրինականության նկատմամբ հսկողության վարչության ավագ դատախազ Ա.Հակոբյանը (այսուհետ նաև՝ Հսկող դատախազ) որոշում է կայացրել նախաքննության մարմնի միջնորդությունը քավարարելու և [REDACTED] նկատմամբ ՀՀ քրեական օրենսգրքի 231-րդ հոդվածի 1-ին մասով ու 444-րդ հոդվածի 1-ին մասով, [REDACTED] և [REDACTED] նկատմամբ ՀՀ քրեական օրենսգրքի 231-րդ հոդվածի 1-ին մասով քրեական հետապնդում չհարուցելու մասին՝ մեղսագրվող արարքները նրանց կողմից կատարված չլինելու հիմքով:

2.1. Նախաքննության մարմնի՝ 2024 թվականի նոյեմբերի 23-ի որոշմամբ թիվ [REDACTED] քրեական վարույթը կարճվել է՝ ՀՀ քրեական դատավարության օրենսգրքի 13-րդ հոդվածի 1-ին մասի 3-րդ կետով նախատեսված հիմքով:

3. ՀՀ գլխավոր դատախազության ՀՀ հակակոռուպցիոն կոմիտեում մինչդատական վարույթի օրինականության նկատմամբ հսկողության վարչության պետ Էդ.Արսենյանի (այսուհետ նաև՝ Վերադաս դատախազ)՝ 2024 թվականի նոյեմբերի 22-ի որոշմամբ Հսկող դատախազի՝ հանրային քրեական հետապնդում չհարուցելու մասին 2024 թվականի հոկտեմբերի 24-ի որոշման դեմ Կոռուպցիայի կանխարգելման հանձնաժողովի նախագահի պարտականությունները կատարող Մ.Գալստյանի բողոքը ժամկետանց լինելու պատճառարանությամբ թողնվել է առանց քննության:

4. Հսկող դատախազի՝ հանրային քրեական հետապնդում չհարուցելու մասին 2024 թվականի հոկտեմբերի 24-ի և Վերադաս դատախազի՝ բողոքն առանց քննության թողնելու մասին 2024 թվականի նոյեմբերի 22-ի մինչդատական ակտերի դեմ Կոռուպցիայի կանխարգելման հանձնաժողովի նախագահի

պարտականությունները կատարող Մ.Գալստյանը բողոք է ներկայացրել ՀՀ հակակոռուպցիոն դատարան (այսուհետ՝ նաև՝ Առաջին ատյանի դատարան):

4.1. Առաջին ատյանի դատարանի՝ 2025 թվականի հունվարի 16-ի որոշմամբ Կոռուպցիայի կանխարգելման հանձնաժողովի նախագահի պարտականությունները կատարող Մ.Գալստյանի բողոքը բավարարվել է մասնակի, և վարույթի հանրային մասնակիցը պարտավորեցվել է վերացնել Վերադաս դատախազի՝ բողոքն առանց քննության թողնելու մասին 2024 թվականի նոյեմբերի 22-ի որոշումն ու կայացնել Հսկող դատախազի՝ հանրային քրեական հետապնդում չհարուցելու մասին 2024 թվականի հոկտեմբերի 24-ի որոշման դեմ Կոռուպցիայի կանխարգելման հանձնաժողովի նախագահի պարտականությունները կատարող Մ.Գալստյանի բողոքն ըստ էության լուծող վարույթային ակտ:

5. ՀՀ գլխավոր դատախազության ՀՀ հակակոռուպցիոն կոմիտեում մինչդատական վարույթի օրինականության նկատմամբ հսկողության վարչության ավագ դատախազ Ա.Հակոբյանի հատուկ վերանայման բողոքի քննության արդյունքում Վերաքննիչ դատարանն իր՝ 2025 թվականի մարտի 6-ի որոշմամբ Առաջին ատյանի դատարանի՝ 2025 թվականի հունվարի 16-ի որոշումը թողել է անփոփոխ:

6. Վերաքննիչ դատարանի վերոնշյալ որոշման դեմ ՀՀ գլխավոր դատախազ Ա.Վարդապետյանը բերել է հատուկ վերանայման վճռաբեկ բողոք, որը Վճռաբեկ դատարանի՝ 2025 թվականի ապրիլի 16-ի որոշմամբ ընդունվել է վարույթ, և սահմանվել է դատական վարույթի իրականացման գրավոր ընթացակարգ:

Վճռաբեկ բողոքի հիմքերը, փաստարկները և պահանջը.

Վճռաբեկ բողոքը քննվում է հետևյալ հիմքերի սահմաններում՝ ներքոհիշյալ փաստարկներով.

7. Բողոքաբերը գտել է, որ Վերաքննիչ դատարանի՝ 2025 թվականի մարտի 6-ի որոշումն օրինական և հիմնավոր չէ, Վերաքննիչ դատարանի կողմից թույլ է տրվել քրեադատավարական օրենքի էական խախտում, որն ազդել է վարույթի ելքի վրա: Մասնավորապես, ըստ բողոքաբերի՝ Վերաքննիչ դատարանը թույլ է տվել ՀՀ

քրեական դատավարության օրենսգրքի 196-րդ, 299-րդ և 300-րդ հոդվածների դրույթների խախտում, ինչի արդյունքում չի ապահովվել հանրային ու մասնավոր շահերի հավասարակշռված պաշտպանությունը՝ խախտվելով ՀՀ քրեական դատավարության օրենսգրքի 15-րդ հոդվածով սահմանված՝ վարույթի հանրայնության սկզբունքը:

Բողոքաբերը միաժամանակ գտել է, որ բողոքում բարձրացված հարցի վերաբերյալ Վճռաբեկ դատարանի որոշումը կարող է էական նշանակություն ունենալ օրենքի միատեսակ կիրառության համար՝ փաստարկելով, որ վիճարկվող դատական ակտում Վերաքննիչ դատարանի հիմնավորումները հակասում են Վճռաբեկ դատարանի՝ *Էրիկ Արզարյանի* վերաբերյալ 2019 թվականի դեկտեմբերի 20-ի թիվ ԵԱՆԳ/0018/11/17 որոշմամբ արտահայտված իրավական դիրքորոշումներին:

7.1. Բողոքաբերի գնահատմամբ՝ հսկող դատախազի որոշման դեմ բողոքը վերադաս դատախազի կողմից ժամկետանց լինելու պատճառաբանությամբ մերժվելուց հետո այն դատարան բողոքարկվելու դեպքում, երբ դատարանը գտնում է, որ հսկող դատախազի վարույթային ակտը վերադաս դատախազին բողոքարկելու ժամկետը պահպանված է եղել, պետք է քննարկի հսկող դատախազի որոշման օրինականությունը և հիմնավորվածությունը՝ այն հիմնավորմամբ, որ մինչդատական վարույթի դատական երաշխիքների վարույթի առարկա է հանդիսանում ոչ թե վերադաս դատախազի, այլ հսկող դատախազի որոշումը, ուստի առանց վերադաս դատախազի կողմից բողոքն ըստ էության քննության առնվելու՝ դատարանը հնարավորություն ունի բովանդակային քննարկման առարկա դարձնելու հսկող դատախազի որոշման օրինականությունը և հիմնավորվածությունը:

7.2. Բողոքաբերի պնդմամբ՝ հսկող դատախազի որոշումները դատարանում վիճարկելու հնարավորություն ստանալու համար դրանց բողոքարկման արտադատական կարգը պահպանելը հետապնդում է անձի իրավունքների և ազատությունների անօրինական կամ անհամաչափ սահմանափակումները հնարավորինս կարճ ժամանակահատվածում և արդյունավետորեն վերացնելու նպատակ, իսկ այդպիսի սահմանափակումները հնարավորինս կարճ ժամանակահատվածում չեն կարող վերադաս դատախազի կողմից վերացվել այն

դեպքում, երբ խնդրո առարկա որոշումն արդեն իսկ հանդիսանում է դատական երաշխիքների վարույթի առարկա, որպիսի պայմաններում անձի իրավունքների և ազատությունների սահմանափակումները վերացնելու հնարավորություն տրվում է հենց դատարանին:

7.3. Բողոքաբերը, վկայակոչելով ՀՀ քրեական դատավարության օրենսգրքի 300-րդ հոդվածի դրույթները, նշել է նաև, որ օրենսդիրն անձին իրավունք է վերապահել մինչդատական ակտի դեմ դատարան բողոք ներկայացնել բավարարումից տարբերվող ցանկացած, այդ թվում՝ բողոքն առանց քննության թողնելու մասին որոշում ստանալու պարագայում, այսինքն, օրենսդրի տրամաբանությամբ՝ տվյալ դեպքում բողոքի մերժումը, բավարարումից տարբերվող պատասխանն ստանալը և բողոք ներկայացնելուց հետո՝ տասնհինգօրյա ժամկետը լրանալու օրը, պատասխան չստանալը նույնացվում են, և նշված բոլոր դրսևորումների դեպքում անձն օժտված է դատական կարգով բողոք ներկայացնելու իրավասությամբ:

8. Վերոգրյալի հիման վրա բողոքաբերը խնդրել է Վերաքննիչ դատարանի՝ 2025 թվականի մարտի 6-ի որոշումը որոշակի մասով բեկանել և կայացնել փոխարինող դատական ակտ:

Վճռաբեկ բողոքի քննության համար էական նշանակություն ունեցող փաստական հանգամանքները.

9. 2024 թվականի հոկտեմբերի 24-ին Հսկող դատախազը որոշում է կայացրել ՀՀ քրեական դատավարության օրենսգրքի 12-րդ հոդվածի 1-ին մասի 1-ին կետով նախատեսված հիմքով [REDACTED] նկատմամբ ՀՀ քրեական օրենսգրքի 231-րդ հոդվածի 1-ին մասով և 444-րդ հոդվածի 1-ին մասով, իսկ [REDACTED] և [REDACTED] նկատմամբ ՀՀ քրեական օրենսգրքի 231-րդ հոդվածի 1-ին մասով քրեական հետապնդում չհարուցելու մասին¹:

10. Նախորդ կետում նշված որոշման դեմ Կոռուպցիայի կանխարգելման հանձնաժողովի նախագահի պարտականությունները կատարող Մ.Գալստյանի ներկայացրած բողոքը Վերադաս դատախազն իր՝ 2024 թվականի նոյեմբերի 22-ի

¹ Տե՛ս վարույթի նյութեր, հատոր 1, թերթեր 123-130:

որոշմամբ ժամկետանց լինելու հիմքով թողել է առանց քննության՝ նշելով. «(...) Եկարի ունենալով, որ բողոքը ՀՀ գլխավոր դարասիսագությունն է հասցեագրվել վիճարկվող որոշումը սրանալուց հետո 15-րդ օրը, սակայն ոչ աշխատանքային ժամին, ընդ որում՝ օրենսդրությամբ սահմանված ժամկետը լրանալուց առաջ բողոքը հանձնվել է փաստաթղթաշրջանառության «Mulberry» էլեկտրոնային համակարգին, ոչ թե՛ փոստին, ինչի արդյունքում ՀՀ գլխավոր դարասիսագությունն մուտքագրվել է 15-օրյա ժամկետի խախտմամբ, ուստի բողոքարկերի կողմից ներկայացված բողոքը՝ ժամկետանց լինելու հիմքերով պետք է թողնել առանց քննության: (...)»²:

11. Կոռուպցիայի կանխարգելման հանձնաժողովի նախագահի պարտականությունները կատարող Մ.Գալստյանն Առաջին ատյանի դատարան ներկայացրած բողոքով վիճարկել է ինչպես Վերադաս դատախազի՝ բողոքն առանց քննության թողնելու մասին 2024 թվականի նոյեմբերի 22-ի որոշման, այնպես էլ Հսկող դատախազի՝ քրեական հետապնդում չհարուցելու մասին 2024 թվականի հոկտեմբերի 24-ի որոշման իրավաչափությունը³:

12. Առաջին ատյանի դատարանն իր՝ 2025 թվականի հունվարի 16-ի որոշմամբ արձանագրել է. «(...) ՀՀ կոռուպցիայի կանխարգելման հանձնաժողովը ՀՀ գլխավոր դարասիսագության ՀՀ հակակոռուպցիոն կոմիտեում մինչդարական վարույթի օրինականության նկատմամբ հսկողության վարչության ավագ դարասիսագ Ա.Հակոբյանի՝ «Միջնորդությունը բավարարելու և հանրային քրեական հետապնդում չհարուցելու մասին» 2024 թվականի հոկտեմբերի 24-ի որոշումը փաստացի սրացել է 2024 թվականի հոկտեմբերի 28-ին, ինչը չի վիճարկվում նաև վարույթի հանրային մասնակցի կողմից: Այսինքն՝ քրեադատավարական ժամկետները հաշվելու՝ ՀՀ քրեական դատավարության օրենսգրքի 171-րդ հոդվածով սահմանված կանոնների համաձայն՝ հանրային քրեական հետապնդում չհարուցելու մասին թիվ [REDACTED] քրեական վարույթով հսկող դարասիսագի որոշումը վերադաս դարասիսագին բողոքարկման փաստահինգօրյա ժամկետի ընթացքն սկսվել է 2024 թվականի

² Տե՛ս վարույթի նյութեր, հատոր 1, թերթեր 149-152:
³ Տե՛ս վարույթի նյութեր, հատոր 1, թերթեր 4-15:

հոկտեմբերի 29-ին՝ ժամը 00:00-ին, և ավարտվել է 2024 թվականի նոյեմբերի 12-ին՝ ժամը 24:00-ին:

Ըստ Գալուստյան ներկայացված նյութերի՝ վիճարկվող որոշման դեմ վերադաս դասարահագին բողոքը ներկայացվել է 2024 թվականի նոյեմբերի 12-ին՝ ժամը 20:21-ին՝ «Mulberry» էլեկտրոնային համակարգի միջոցով, ինչը ևս վարույթի հանրային մասնակիցը չի վիճարկում: Այսինքն՝ ՀՀ կոռուպցիայի կանխարգելման հանձնաժողովը բողոքը ներկայացրել է ՀՀ քրեական դատավարության օրենսգրքով սահմանված ժամկետների պահպանմամբ:

Միևնույն ժամանակ Գալուստյանը հարկ է համարում արձանագրել, որ ՀՀ քրեական դատավարության օրենսգրքը, ինչպես իրավաչափորեն փաստել է բողոքարկերը, չի սահմանում բողոք ներկայացնելու փուլային առաքման կոնկրետ եղանակ, ուստի, Գալուստյանի գնահատմամբ, փուլային առաքման ընդունված փարբերակներից յուրաքանչյուրով ներկայացված բողոքը պետք է դիտարկել որպես պարզաձև ներկայացված՝ պայմանով, եթե այն ներկայացվել է բողոքարկման սահմանված ժամկետներում և կարգով:

Գալուստյանն արձանագրում է, որ «Mulberry» էլեկտրոնային փաստաթղթաշրջանառության համակարգը հանդիսանում է ՀՀ պետական կառավարման մարմիններում պաշտոնապես գործարկվող փաստաթղթաշրջանառության համակարգ, ուստի, Գալուստյանի գնահատմամբ, դրա միջոցով իրավասու մարմինն ներկայացված բողոքն իրավաչափորեն չի կարող համարվել որպես ոչ պարզաձև՝ ՀՀ քրեական դատավարության օրենսգրքի պահանջներին չհամապատասխանող ձևով ներկայացված բողոք և դրվել այն առանց քննության թողնելու մասին որոշման հիմքում: Գալուստյանը գտնում է, որ նույնիսկ նման եղանակով բողոքը ներկայացնելը խախտում դիտարկելու դեպքում այն կրում է խիստ ձևական բնույթ, և կարող է հանգեցնել մինչդասարական ակտերն արտադասարական կարգով բողոքարկելու իրավունքի էության խախտման:

Ինչ վերաբերում է վարույթի հանրային մասնակցի դիրքորոշմանն առ այն, որ բողոքը «Mulberry» էլեկտրոնային փաստաթղթաշրջանառության համակարգի միջոցով ներկայացնելու արդյունքում ՀՀ գլխավոր դասարահագնությունում այն մուտքագրվել է միայն 2024 թվականի նոյեմբերի 13-ին, Գալուստյանն արձանագրում է,

որ ՀՀ քրեական դատավարության օրենսգրքի 196-րդ հոդվածի 7-րդ մասով նահատակված բողոքարկման ժամկետը, ըստ ՀՀ քրեական դատավարության օրենսգրքի 171-րդ հոդվածի 4-րդ մասի, չի կարող համարվել բաց թողնված, եթե բողոքը հանձնվել է փոստին բողոքարկման ժամկետը լրանալուց առաջ: Ընդ որում, փոստային առաքման ցանկացած եղանակով բողոքը ներկայացնելու դեպքում ևս ՀՀ գլխավոր դատախազությունում այն կարող էր մուտքագրվել 2024 թվականի նոյեմբերի 12-ից հետո:

Անհուփելով վերոշարադրյալը՝ Գալարանը գրնում է, որ վերադաս դատախազը, բողոքարկման ժամկետը բաց թողնված լինելու հիմքով առանց քննության թողնելով ՀՀ կոռուպցիայի կանխարգելման հանձնաժողովի կողմից ներկայացված բողոքը, հանգել է սխալ եզրահանգման, ուստի վարույթի հանրային մասնակցի վրա ՀՀ հակակոռուպցիոն կոմիտեում մինչդարական վարույթի օրինականության նկատմամբ հսկողության վարչության պետ Էդ.Արսենյանի՝ «Բողոքն առանց քննության թողնելու մասին» 2024 թվականի նոյեմբերի 22-ի որոշումը վերացնելու պարտականություն դնելու մասին բողոքաբերի միջնորդությունը հիմնավոր է:

(...) Անդրադառնալով ՀՀ գլխավոր դատախազության ՀՀ հակակոռուպցիոն կոմիտեում մինչդարական վարույթի օրինականության նկատմամբ հսկողության վարչության ավագ դատախազ Ա.Հակոբյանի՝ «Միջնորդությունը բավարարելու և հանրային քրեական հետապնդում չհարուցելու մասին» 2024 թվականի հոկտեմբերի 24-ի որոշումը վերցնելու պարտականություն սահմանելու իրավաչափության հարցին՝ Գալարանն արձանագրում է, որ վերադաս դատախազը, ըստ էության, բողոքաբեր ՀՀ կոռուպցիայի կանխարգելման հանձնաժողովի հիմնավորումների համարեքարում փաստացի գնահատման չի ենթարկել վարույթն իրականացնող մարմնի՝ [REDACTED] նկատմամբ հանրային քրեական հետապնդում չհարուցելու մասին հերքության իրավաչափությունը:

Գալարանն արձանագրում է, որ ՀՀ քրեական դատավարության օրենսգրքը արարանջարեղ է մինչդարական ակտերի դատախազական և դատական բողոքարկման փուլերը՝ ելնելով այն նկատառումից, որ նախաքննության փուլում

նվազագույնի հասցվի դարարանի միջամտությունը նախաքննության ընթացքին: Այլ կերպ՝ որպես ՀՀ քրեական դատավարության օրենսգրքի 299-րդ հոդվածի կարգով մինչդատարանական ակտերի իրավաչափությունը դատարանական կարգով ստուգելու նախապայման դատախազական բողոքարկման պահանջ սահմանելու նպատակն այն է, որ մինչ վարույթի հանրային մասնակցի մինչդատարանական որևէ ակտի իրավաչափությունը դատարանի կողմից գնահատելն իրավասու դատախազը հնարավորություն ունենա ըստ էության գնահատել Կրիմինալ ակտը վիճարկող վարույթի մասնակցի փաստարկները և իր իրավասության սահմաններում կայացնի համապատասխան որոշում:

Վերոգրյալի համարեքարում Գատարանը գտնում է, որ սույն վարույթի շրջանակներում չի կարող գնահատման ենթարկել ՀՀ գլխավոր դատախազության ՀՀ հակակոռուպցիոն կոմիտեում մինչդատարանական վարույթի օրինականության նկատմամբ հսկողության վարչության ավագ դատախազ Ա.Հակոբյանի՝ «Միջնորդությունը բավարարելու և հանրային քրեական հետապնդում չհարուցելու մասին» 2024 թվականի հոկտեմբերի 24-ի որոշման իրավաչափությունը, քանի որ այն փաստացի գնահատման չի ենթարկվել վերադաս դատախազի կողմից:

Գատարանը գտնում է, որ թիվ [REDACTED] քրեական վարույթով հսկող դատախազի վերոնշյալ որոշման իրավաչափությունը պետք է նախևառաջ գնահատման ենթարկվի վերադաս դատախազի, այնուհետև, բողոքի առկայության դեպքում՝ դատարանի կողմից: (...)⁴:

13. Վերաքննիչ դատարանն իր՝ 2025 թվականի մարտի 6-ի որոշմամբ արձանագրել է. «(...) [Ա]նդրադատնալով դատախազի այն փաստարկներին, որ Հակակոռուպցիոն դատարանը, գտնելով, որ որոշումը վերադաս դատախազին բողոքարկելու ժամկետները չեն խախտվել, պետք է ըստ էության գնահատման ենթարկել հսկող դատախազի որոշման օրինականությունը և հիմնավորվածությունը, այլ ոչ թե վերադաս դատախազին պարտավորեցնել վերացնել բողոքարկերի իրավունքների և ազատությունների սահմանափակումները՝ հաշվի առնելով, որ դատարանական վերահսկողության առարկա է հանդիսանում հսկող դատախազի

⁴ Տե՛ս վարույթի նյութեր, հատոր 1, թերթեր 205-225:

որոշումը, վերադաս դասախազը հսկող դասախազի որոշման դեմ բերված բողոքը թողել է առանց քննության, այսինքն՝ փաստացի մերժել է, արդեն իսկ Դատարանն է կրել բողոքարկերի իրավունքների սահմանափակումները հնարավորինս արդյունավետ վերացնելու պարտականությունը՝ Վերաքննիչ դատարանը փաստում է, որ դասախազի այդպիսի փաստարկումներն ընդունելի չեն կարող համարվել: Մասնավորապես, Վերաքննիչ դատարանը հարկ է համարում նաև նշել, որ ժամկետանց լինելու պարճառաբանությամբ բողոքն առանց քննության թողնելը որևէ կերպ չի նույնացվել բողոքը փաստացի կամ իրավաբանորեն մերժելու մասին որոշում կայացնելու հետ, քանի որ ի տարբերություն վերջինի՝ առաջին դեպքում բողոքը բովանդակային առումով քննության առարկա չի դարձվում: Դրան զուգահեռ Վերաքննիչ դատարանը անհրաժեշտ է համարում փաստել, որ բողոքարկման արտադարական կարգի սպառումը չունի զուտ ձևական, արհեստական բնույթ. այն դեպքում, երբ մինչդարական վարույթի վիճարկվող որոշման դեմ բերված բողոքը վերադաս դասախազի կողմից ոչ իրավաչափորեն առանց քննության է թողնվում՝ ժամկետանց լինելու պարճառաբանությամբ, այսինքն՝ բողոքը ոչ իրավաչափորեն ըստ էության քննարկման առարկա չի դառնում, սպա դա չի կարող ենթադրել արտադարական կարգի սպառված լինելու, հետևաբար նաև հսկող դասախազի վիճարկվող որոշումը դատարանի կողմից արդեն բովանդակային քննության առարկա դարձնելու հնարավորության մասին: Վերաքննիչ դատարանի սույն դիրքորոշումը հիմնավորվում է նրանով, որ հակառակ պարագայում արտադարական կարգը կարող է վերածվել արդյունավետությունից զուրկ, արհեստական ինստիտուտի, քանի որ կարացվի, որ վերադաս դասախազը յուրաքանչյուր դեպքում կարող է բողոքը ոչ իրավաչափորեն ըստ էության քննարկման առարկա չդարձնել, իսկ դատարանը, անկախ այդ հանգամանքից, արդեն պետք է բովանդակային կերպով քննության առնի հսկող դասախազի վիճարկվող որոշումը: Վերաքննիչ դատարանի գնահատմամբ՝ այդպիսի մոտեցումը չի բխում ոչ միայն օրենսդրական համապատասխան կարգավորումների բնույթից, այլև դրանց, մասնավորապես՝ արտադարական կառուցակարգի վերաբերյալ Վճռաբեկ դատարանի ձևավորած և վերը մեջբերված նախադեպային դիրքորոշումներից:

(...) Այսպիսով, հասրուկ վերանայման վերաքննիչ բողոքի հիմքերի ու դրանք հիմնավորող փաստարկների սահմաններում դատական արուգման ենթարկելով վիճարկվող որոշման իրավաչափությունը և անփոփոխելով վերոշարադրյալը՝ Վերաքննիչ դատարանը գրնում է, որ Առաջին ատյանի դատարանը սույն վարույթով համապատասխան դատական ակտ կայացնելիս թույլ չի տվել վարույթի ելքի վրա ազդեցություն ունեցող դատական սխալ, ուստիև դատախազ Ա.Հակոբյանի հասրուկ վերանայման վերաքննիչ բողոքը պետք է մերժել, իսկ Հակակոռուսացիոն դատարանի վիճարկվող որոշումը՝ թողնել անփոփոխ: (...)»⁵:

Վճռաբեկ դատարանի հիմնավորումները և եզրահանգումը.

14. Սույն վարույթով Վճռաբեկ դատարանի առջև բարձրացված իրավական հարցը հետևյալն է. իրավաչափ է արդյոք Առաջին ատյանի դատարանի որոշումն անփոփոխ թողնելու վերաբերյալ Վերաքննիչ դատարանի հետևությունը:

15. ՀՀ Սահմանադրության 61-րդ հոդվածի 1-ին մասի համաձայն՝

«Յուրաքանչյուր ոք ունի իր իրավունքների և ազատությունների արդյունավետ դատական պաշտպանության իրավունք»:

15.1. Գատական պաշտպանության և դատարանի մատչելիության հիմնարար իրավունքների առնչությամբ Վճռաբեկ դատարանի ձևավորած իրավական դիրքորոշումների համաձայն՝

- դատարանի մատչելիության իրավունքը պետք է լինի իրական և ոչ թե պատրանքային, ինչը ենթադրում է, որ անձն իր իրավունքների ու ազատությունների խախտման յուրաքանչյուր դեպքում՝ ողջամիտ սահմանափակումների պայմաններում, պետք է դատարան դիմելու, իր խախտված իրավունքները և ազատությունները վերականգնելու իրական հնարավորություն ունենա,

- անձի՝ դատարանի մատչելիության և դատական պաշտպանության կարևորագույն իրավունքների սահմանափակման համար ընտրված միջոցը պետք է իրավաչափ նպատակ հետապնդի և չպետք է անհամարժեք լինի նշված իրավունքի բուն էությանն ու նշանակությանը: Այլ կերպ՝ դատարանի մատչելիության իրավունքի

⁵ Տե՛ս վարույթի նյութեր, հատոր 2, թերթեր 63-74:

սահմանափակման յուրաքանչյուր դեպքում պետք է պահպանել կիրառվող միջոցի և հետապնդվող նպատակի միջև արդարացի հավասարակշռություն՝ բացառելով անհամաչափ խիստ միջոցներով հետապնդվող նպատակին հասնելու հնարավորությունը⁶:

16. ՀՀ քրեական դատավարության օրենսգրքի 299-րդ հոդվածի համաձայն՝

«1. Դատական բողոքարկման ենթակա են հետևյալ մինչդատական ակտերը.

1) ձերբակալումը.

2) ենթադրյալ հանցագործության մասին հաղորդումն արձանագրելուց կամ քրեական վարույթ նախաձեռնելուց հրաժարվելը.

3) քրեական վարույթը կարճելու մասին որոշումը.

4) քրեական հետապնդում չհարուցելու, քրեական հետապնդումը դադարեցնելու, քրեական հետապնդման ժամկետը կասեցնելու, քրեական հետապնդումը նորոգելու մասին որոշումը.

5) վարույթի մասնակից ճանաչելու վերաբերյալ միջնորդությունը մերժելու մասին որոշումը.

6) խափանման միջոց կիրառելու մասին որոշումը.

7) վարույթն իրականացնող մարմին հարկադրաբար ներկայացնելու մասին որոշումը.

8) վարույթից հեռացնելու կամ վարույթին մասնակցելուց ազատելու մասին որոշումը.

9) գրավը պետության եկամուտ դարձնելու մասին որոշումը.

10) հարուկ պաշտպանության միջոցի կիրառումը մերժելու կամ դադարեցնելու մասին որոշումը.

11) Հայաստանի Հանրապետության գլխավոր դատախազի որոշումը՝ քրեական հետապնդում չհարուցելու կամ քրեական հետապնդումը դադարեցնելու մասին որոշումը նոր հանգամանքի կամ նոր ի հայր եկած հանգամանքի հիմքով վերացնելու մասին:

⁶ Տե՛ս Վճռաբեկ դատարանի՝ Էդգար Գրիգորյանի գործով 2018 թվականի հունվարի 12-ի թիվ ԵԿԳ/0026/01/17 որոշման 16-րդ կետը:

2. Գաղափարական բողոքարկման ենթակա են նաև մինչդարակյան այն ակտերը, որոնց վիճարկումը դարաքննության ընթացքում անհնար է լինելու կամ բողոքարկողին ակնհայտորեն զրկելու է իր իրավաչափ շահերն արդյունավետ պաշտպանելու իրական հնարավորությունից»:

ՀՀ քրեական դատավարության օրենսգրքի 300-րդ հոդվածի 2-րդ մասի համաձայն՝

«Սույն օրենսգրքի 299-րդ հոդվածով նախատեսված մինչդարակյան ակտերի դեմ բողոքները կարող են ներկայացվել դատարան միայն իրավասու դատախազին բողոքարկելու և նրա կողմից բողոքի չբավարարման դեպքում, բացառությամբ երբ վիճարկվում է ձերբակալումը կամ Հայաստանի Հանրապետության գլխավոր դատախազի վարությանին ակտերը»:

Նույն հոդվածի 3-րդ մասի համաձայն՝

«Սույն օրենսգրքի 299-րդ հոդվածով նախատեսված մինչդարակյան ակտերը դատարան կարող են բողոքարկվել փասնահինգորյա ժամկետում: Այդ ժամկետի սկիզբն է՝

1) իրավասու դատախազին ուղղված բողոքի մերժման որոշումը կամ բավարարումից փարբերվող պատասխանն սրանալու օրը:

2) բողոք ներկայացնելուց հետո՝ փասնահինգորյա ժամկետը լրանալու օրը, եթե բողոքի վերաբերյալ պատասխան չի սրացվել»:

16.1. Մինչդատական վարույթի դատական երաշխիքներին վերաբերող կառուցակարգերի առնչությամբ Վճռաբեկ դատարանն արտահայտել է մի շարք իրավական դիրքորոշումներ, որոնք, թեև վերաբերում են 1998 թվականի հուլիսի 1-ին ընդունված ՀՀ քրեական դատավարության օրենսգրքի դրույթներին, սակայն շարունակում են վերաբերելի մասով (mutatis mutandis) կիրառելի լինել նաև գործող քրեադատավարական կարգավորումների նկատմամբ:

Մասնավորապես, Վճռաբեկ դատարանի ձևավորած նախադեպային իրավունքի համաձայն՝

- մինչդատական վարույթն իրականացնող մարմնի որոշումների և գործողությունների (անգործության) դեմ իրավասու անձի կողմից բողոք բերելու դեպքում (եթե այդ որոշումները կամ գործողությունները (անգործությունը) ենթակա են

դատական բողոքարկման) դատարանը պարտավոր է ստուգել բողոքարկված որոշումների կամ գործողությունների (անգործության) օրինականությունն ու հիմնավորվածությունը, պարզել, թե արդյոք առկա է անձի իրավունքների և ազատությունների խախտում, արդյունքում՝ կայացնել հիմնավորված և պատճառաբանված որոշում՝ թույլ տրված օրինախախտումը վերացնելու և անձի խախտված իրավունքներն ու ազատությունները վերականգնելու վերաբերյալ իրավասու մարմնի (պաշտոնատար անձի) պարտականությունը սահմանելու կամ բողոքը մերժելու մասին⁷,

- մինչդատական վարույթն իրականացնող մարմինների որոշումներն ու գործողությունները ենթակա են նաև դատախազական հսկողության: Անձն իր իրավունքների և ազատությունների դատական պաշտպանության իրավունքն իրացնելուց առաջ պարտավոր է սպառել իրավունքների պաշտպանության արտադատական միջոցը՝ դատախազի առջև հայցել իր բողոքի բավարարում⁸,

- դատախազական հսկողության գործիքակազմի սպառումը նախապայման է մինչդատական վարույթի նկատմամբ դատական վերահսկողության կառուցակարգը գործադրելու համար: Որպես իրավական պաշտպանության միջոց՝ դրա շրջանակներում ստուգվում է անձի իրավունքներին և օրինական շահերին անմիջականորեն միջամտող որոշման (գործողության) օրինականությունը, որի արդյունքում դատախազը կա՛մ արձանագրում է վիճարկվող որոշման (գործողության) իրավաչափության փաստը, կա՛մ հերքում այն: Այսինքն՝ դատախազական հսկողության կառուցակարգի սպառման արդյունքում կայացվող որոշումը հիմնվում է անձի իրավունքներին և օրինական շահերին անմիջականորեն միջամտող որոշման (գործողության) վրա⁹,

⁷ Տե՛ս, *mutatis mutandis*, Վճռաբեկ դատարանի՝ *Ներսես Միսակյանի* գործով 2009 թվականի ապրիլի 10-ի թիվ ԱԲԴ/0003/11/08, Վլադիմիր Բաղդասարյանի գործով 2012 թվականի հունիսի 8-ի թիվ ԳԴ4/0002/01/11, Արսեն Մակարյանի գործով 2015 թվականի դեկտեմբերի 18-ի թիվ ԵԿԴ/0016/11/15, Հեղինե Պետրոսյանի գործով 2015 թվականի փետրվարի 27-ի թիվ ԵԿԴ/0043/11/14 որոշումները:

⁸ Տե՛ս Վճռաբեկ դատարանի՝ Հովհաննես Գինոսյանի գործով 2013 թվականի փետրվարի 15-ի թիվ ԼԴ/0023/11/12 որոշման 13-րդ կետը:

⁹ Տե՛ս Վճռաբեկ դատարանի՝ Սամվել Ղազարյանի գործով 2018 թվականի մարտի 20-ի թիվ ԵԿԴ/0018/11/17 որոշման 21-րդ կետը:

- մինչդատական վարույթի նկատմամբ դատական վերահսկողության շրջանակներում դատական բողոքարկման առարկան անմիջականորեն քրեական հետապնդման մարմինների որոշումները, գործողությունները կամ անգործություններն են, եթե դրանց դեմ բողոքները չեն բավարարվել դատախազի կողմից՝ անկախ նրանից, թե դատախազական հսկողության շրջանակներում դատախազի կողմից քրեադատավարական օրենսդրությամբ նախատեսված ակտեր են կայացվել, թե դրանք վերաբերում են անգործություն: Ընդ որում, այս դեպքում դատական վերահսկողության առարկան քրեական հետապնդման մարմնի որոշումն է, այլ ոչ թե դատախազական հսկողության արդյունքում կայացված դատավարական ակտը կամ դրանք անգործությունը¹⁰:

17. Վերահաստատելով և զարգացնելով նախորդ կետում վկայակոչված իրավական դիրքորոշումները՝ Վճռաբեկ դատարանը փաստում է, որ մինչդատական ակտերի իրավաչափության դատական երաշխիքների կառուցակարգի գործադրման անհրաժեշտ նախապայմաններից մեկն այն է, որ անձը, մինչ դատարան դիմելը, պատշաճ կերպով սպառնի դատախազական հսկողության արտադատական պաշտպանության միջոցը: Դրա հետ մեկտեղ, վարույթի հանրային մասնակցի որոշման դեմ բողոքը կարող է մինչդատական ակտերի իրավաչափության դատական երաշխիքների շրջանակում ենթարկվել դատական ստուգման, եթե բողոքարկելու իրավունք ունեցող անձի կողմից պահպանվել է դատախազական հսկողության կարգով բողոքարկման՝ օրենքով սահմանված ժամկետը: Ուստի մինչդատական ակտի վիճարկման վարույթի հարուցման հարցը լուծելիս դատարանը, ի թիվս այլնի, պետք է պարզի, թե բողոքարկելու կողմից պահպանվել են արդյոք վիճարկվող վարույթային ակտի դատախազական բողոքարկման՝ ՀՀ քրեական դատավարության օրենսգրքով նախատեսված դատավարական ընթացակարգերը, մասնավորապես, այն իրավասու դատախազին օրենքով սահմանված ժամկետում բողոքարկված լինելու հանգամանքը (բացառությամբ այն դեպքերի, երբ վիճարկվում է ձերբակալումը կամ Հայաստանի Հանրապետության գլխավոր դատախազի վարույթային ակտը):

¹⁰ Տե՛ս Վճռաբեկ դատարանի՝ *Արմեն Տեր-Սահակյանի* գործով 2021 թվականի սեպտեմբերի 3-ի թիվ ԵԴ/0149/11/19 որոշման 16-րդ կետը:

Միննույն ժամանակ, Վճռաբեկ դատարանը հարկ է համարում արձանագրել, որ մինչդատական վարույթում դատախազական բողոքարկման օբյեկտը քննիչի կամ դատախազի վարութային ակտն է, որն անմիջականորեն առնչվում է անձի իրավունքներին և օրինական շահերին: Նույն կերպ մինչդատական ակտերի իրավաչափության դատական երաշխիքների առարկան հանդիսանում է իրավունքների և ազատությունների պաշտպանության արտադատական կարգով վիճարկված այդ նույն վարութային ակտի իրավաչափությունը: Նշվածը բխում է նաև ՀՀ քրեական դատավարության օրենսգրքի 299-րդ հոդվածի տրամաբանությունից, որը սահմանում է դատական երաշխիքների շրջանակը կազմող մինչդատական ակտերը, որոնց մեջ դատախազական բողոքարկման արդյունքում կայացված վարութային ակտը ներառված չէ: Փոխարենը դատախազական բողոքարկումն իրավունքների պաշտպանության միջանկյալ միջոց է, որի սպառումը պարտադիր պայման է հանդիսանում անձի կողմից մինչդատական ակտերի իրավաչափության դատական երաշխիքների շրջանակում իր իրավաչափ շահերի պաշտպանությունը հայցելու համար:

Վճռաբեկ դատարանն ընդգծում է, որ վերոնշյալ կարգը նպատակ է հետապնդում քրեական դատավարության մասնակիցների և շահագրգիռ այլ անձանց համար առավել արդյունավետորեն ապահովելու դատական պաշտպանության իրավունքի անխափան իրականացումը: Բացի այդ, մինչդատական վարութի օրինականության երաշխավորմանն ուղղված հսկողական և վերահսկողական տվյալ միջոցների գուգակցումը հետապնդում է մեկ այլ իրավաչափ նպատակ. անձանց շահերի քրեաիրավական պաշտպանությունն իրականացնելով արտադատական կառուցակարգի գործադրմամբ՝ հնարավորինս սահմանափակել դատական գործիքակազմի ներգրավումը և զերծ մնալ ավելորդ հանրային-իրավական միջոցների վատնումից¹¹:

Այսպիսով, Վճռաբեկ դատարանն արձանագրում է, որ արտադատական բողոքարկման կառուցակարգը հանդես է գալիս որպես իրավական պաշտպանության

¹¹ Տե՛ս, *mutatis mutandis*, Վճռաբեկ դատարանի՝ *Արմեն Գրիգորյանի* գործով 2014 թվականի մարտի 28-ի թիվ ԵԿԴ/0125/11/13 որոշումը:

նախնական միջոց: Այն պայմաններում, երբ անձն իրացնում է իր ենթադրաբար խախտված իրավունքները վերականգնելու դատախազական բողոքարկման գործիքակազմը, սակայն դրա միջոցով չի հասնում հետապնդվող նպատակին, բողոքարկերի իրավունքների լիարժեք պաշտպանությունն արդեն իսկ ստանձնում է դատարանը:

Ընդ որում, դատավարական ընթացակարգերի պահպանմամբ իրականացված դատախազական բողոքարկման արդյունքում կայացված վարույթային ակտի իրավաչափությունը կարող է դատական ստուգման ենթարկվել դատախազին բողոքարկված որոշման իրավաչափության ստուգման հետ մեկտեղ՝ նույն վարույթի շրջանակներում¹²:

18. Սույն վարույթի նյութերի ուսումնասիրությունից երևում է, որ.

- 2024 թվականի հոկտեմբերի 24-ին ՀՀ գլխավոր դատախազության ՀՀ հակակոռուպցիոն կոմիտեում մինչդատական վարույթի օրինականության նկատմամբ հսկողության վարչության ավագ դատախազ Ա.Հակոբյանը որոշում է կայացրել նախաքննության մարմնի միջնորդությունը բավարարելու և քրեական հետապնդում չհարուցելու մասին¹³,

- Հսկող դատախազի վերը նշված որոշման դեմ Կոռուպցիայի կանխարգելման հանձնաժողովի նախագահի պարտականությունները կատարող Մ.Գալստյանի կողմից ներկայացված բողոքը Վերադաս դատախազի՝ 2024 թվականի նոյեմբերի 22-ի որոշմամբ թողնվել է առանց քննության՝ ժամկետանց լինելու պատճառաբանությամբ¹⁴,

- Առաջին ատյանի դատարանն իր՝ 2025 թվականի հունվարի 16-ի որոշմամբ, քննության առնելով վերոնշյալ որոշումների դեմ Կոռուպցիայի կանխարգելման հանձնաժողովի նախագահի պարտականությունները կատարող Մ.Գալստյանի բողոքը, արձանագրել է, որ Վերադաս դատախազը, բողոքարկման ժամկետը բաց

¹² Տե՛ս, *mutatis mutandis*, Վճռարեկ դատարանի՝ Մամվել Ղազարյանի վերաբերյալ գործով 2018 թվականի մարտի 20-ի թիվ ԵԿԴ/0018/11/17 որոշման 21-րդ կետը:

¹³ Տե՛ս սույն որոշման 9-րդ կետը:

¹⁴ Տե՛ս սույն որոշման 10-րդ կետը:

թողնված լինելու հիմքով բողոքն առանց քննության թողնելով, հանգել է սխալ հետևության:

Մինևույն ժամանակ, Առաջին աստիճանի դատարանը գտել է, որ տվյալ դեպքում չի կարող գնահատման ենթարկել Հսկող դատախազի՝ միջնորդությունը բավարարելու և հանրային քրեական հետապնդում չհարուցելու մասին 2024 թվականի հոկտեմբերի 24-ի որոշման իրավաչափությունը, քանի որ այն Վերադաս դատախազի կողմից, բողոքն առանց քննության թողնելու արդյունքում, փաստացի գնահատման չի ենթարկվել, մինչդեռ որոշման իրավաչափությունը պետք է նախևառաջ գնահատման ենթարկվի նրա, այնուհետև, բողոքի առկայության դեպքում, դատարանի կողմից:

Արդյունքում Առաջին աստիճանի դատարանի կողմից Կոռուպցիայի կանխարգելման հանձնաժողովի նախագահի պարտականությունները կատարող Մ.Գալստյանի բողոքը բավարարվել է մասնակի, և վարույթի հանրային մասնակիցը պարտավորեցվել է վերացնել Վերադաս դատախազի՝ բողոքն առանց քննության թողնելու մասին 2024 թվականի նոյեմբերի 22-ի որոշումը և կայացնել Հսկող դատախազի՝ 2024 թվականի հոկտեմբերի 24-ի որոշման դեմ ներկայացված բողոքն ըստ էության լուծող վարույթային ակտ¹⁵,

- Վերաքննիչ դատարանը, անսխալ թողնելով Առաջին աստիճանի դատարանի որոշումը, արձանագրել է, որ ժամկետանց լինելու պատճառաբանությամբ բողոքն առանց քննության թողնելը որևէ կերպ չի նույնացվում բողոքը փաստացի կամ իրավաբանորեն մերժելու մասին որոշում կայացնելու հետ, քանի որ ի տարբերություն վերջինի՝ առաջին դեպքում բողոքը բովանդակային առումով քննության առարկա չի դարձվում:

Վերաքննիչ դատարանի գնահատմամբ՝ այն դեպքում, երբ բողոքը ոչ իրավաչափորեն ըստ էության քննարկման առարկա չի դառնում, սպա դա չի կարող ենթադրել բողոքարկման արտադատական կարգի սպառված լինելու, հետևաբար նաև հսկող դատախազի վիճարկվող որոշումը դատարանի կողմից արդեն բովանդակային քննության առարկա դարձվելու հնարավորության մասին: Հակառակ պարագայում կստացվի, որ վերադաս դատախազը յուրաքանչյուր դեպքում կարող է

¹⁵ Տե՛ս սույն որոշման 12-րդ կետը:

բողոքը ոչ իրավաչափորեն ըստ էության քննարկման առարկա չդարձնել, իսկ դատարանը, անկախ այդ հանգամանքից, պետք է բովանդակային կերպով քննության առնի հսկող դատախազի վիճարկվող որոշումը¹⁶:

19. Նախորդ կետում մեջբերված փաստական հանգամանքները գնահատելով սույն որոշման 15-17-րդ կետերում վկայակոչված իրավանորմերի և շարադրված իրավական դիրքորոշումների լույսի ներքո՝ Վճռաբեկ դատարանը փաստում է, որ տվյալ դեպքում դատական երաշխիքների առարկան Հսկող դատախազի՝ նախաքննության մարմնի միջնորդությունը բավարարելու և քրեական հետապնդում չհարուցելու մասին 2024 թվականի հոկտեմբերի 24-ի որոշման իրավաչափությունն է, որը Կոռուպցիայի կանխարգելման հանձնաժողովի նախագահի պարտականությունները կատարող Մ.Գալստյանի կողմից դատավարական ժամկետների պահպանմամբ բողոքարկվել է իրավասու դատախազին, ով, բողոքը ժամկետանց լինելու պատճառարանությամբ թողնելով առանց քննության, կայացրել է բողոքի բավարարումից տարբերվող որոշում:

Ինչ վերաբերում է Վերաքննիչ դատարանի այն դատողությանը, որ այն դեպքում, երբ բողոքը դատախազական բողոքարկման արդյունքում ոչ իրավաչափորեն ըստ էության քննարկման առարկա չի դառնում, հետևաբար դա չի ենթադրում որպես արտադատական կարգի սպառում, ապա Վճռաբեկ դատարանը նախևառաջ արձանագրում է, որ օրենսդիրը դատախազին, ի թիվս այլնի, վերապահել է վարությանն ակտերի դեմ բերված վարույթի մասնավոր մասնակիցների կամ այլ անձանց բողոքների կապակցությամբ համապատասխան որոշում կայացնելու լիազորություն, ով միաժամանակ կրում է պատասխանատվություն՝ ներքին համոզմունքի վրա հիմնված իր վարությանն ակտերի համար: Բացի այդ, Վճռաբեկ դատարանը փաստում է, որ մինչդատական ակտի վիճարկման վարույթի գործարկման օրենսդրական նախադրյալն այն է, որ դատավարական ժամկետի պահպանմամբ սպառված լինի վարությանն ակտի դատախազական բողոքարկման կարգը, և դրա արդյունքում ներկայացված բողոքը բավարարված չլինի: Նշվածի կապակցությամբ Վճռաբեկ դատարանը կրկնում է, որ ՀՀ քրեական

¹⁶ Տե՛ս սույն որոշման 13-րդ կետը:

դատավարության օրենսգրքի 300-րդ հոդվածի 3-րդ մասի 1-ին կետի իմաստով դատախազի կողմից բողոքի բավարարումից տարբերվող է ինչպես բողոքի մերժումը, այնպես էլ բողոքն առանց քննության թողնելու մասին որոշումը¹⁷:

Վերոգրյալի հաշվառմամբ Վճռաբեկ դատարանը փաստում է, որ սույն դեպքում ՀՀ քրեական դատավարության օրենսգրքի 300-րդ հոդվածի 2-րդ մասի պահանջը պահպանված լինելու պարագայում ստորադաս դատարանները, մինչդաստական վարույթի նկատմամբ դատական երաշխիքների շրջանակում արձանագրելով Վերադաս դատախազի կողմից բողոքը ոչ իրավաչափորեն առանց քննության թողնելու հանգամանքը, բովանդակային քննարկման առարկա չեն դարձրել Հսկող դատախազի՝ հանրային քրեական հետապնդում չհարուցելու մասին 2024 թվականի հոկտեմբերի 24-ի որոշումը՝ վերադաս դատախազի կողմից այն փաստացի գնահատման ենթարկված չլինելու պատճառաբանությամբ: Այնինչ ստորադաս դատարանները, արձանագրելով բողոքն առանց քննության թողնելու հետևանքով անձի իրավունքների խախտման փաստը, պետք է հաջորդիվ քննարկման առարկա դարձնեին Հսկող դատախազի որոշման կապակցությամբ բողոքաբերի՝ Առաջին ատյանի դատարան ներկայացրած բողոքի փաստարկները, քանի որ դատախազական հսկողության արդյունքում կայացված որոշումն ինքնին չի կարող հանդիսանալ բողոքարկման առարկա՝ առանց անձի իրավունքներին և օրինական շահերին անմիջականորեն միջամտող որոշման իրավաչափության ստուգման:

20. Այսպիսով, Վճռաբեկ դատարանը գտնում է, որ Առաջին ատյանի դատարանի որոշումն անփոփոխ թողնելու վերաբերյալ Վերաքննիչ դատարանի հետևությունն իրավաչափ չէ:

21. Անփոփոխելով վերոգրյալը՝ Վճռաբեկ դատարանն արձանագրում է, որ սույն վարույթով Առաջին ատյանի դատարանը դատական ակտ կայացնելիս, իսկ Վերաքննիչ դատարանը, Առաջին ատյանի դատարանի դատական ակտն անփոփոխ թողնելով, թույլ են տվել դատական սխալ՝ քրեադատավարական օրենքի էական խախտում, որը հանգեցրել է ՀՀ քրեական դատավարության օրենսգրքի 23-րդ

¹⁷ Տե՛ս, *mutatis mutandis*, Վճռաբեկ դատարանի՝ 2025 թվականի օգոստոսի 29-ի թիվ ԵԴ1/0190/11/23 որոշման 16-րդ կետը:

հողվածով ամրագրված՝ դատական պաշտպանության ապահովման սկզբունքի խախտման, և նույն օրենսգրքի 362-րդ հոդվածի համաձայն՝ հիմք է ստորադաս դատարանների դատական ակտերը որոշակի՝ Հսկող դատախազի՝ հանրային քրեական հետապնդում չհարուցելու մասին 2024 թվականի հոկտեմբերի 24-ի որոշման դեմ Կոռուպցիայի կանխարգելման հանձնաժողովի նախագահի պարտականությունները կատարող Մ.Գալստյանի բողոքն ըստ էության քննության չառնելու մասով, բեկանելու և վարույթը ՀՀ հակակոռուպցիոն դատարան՝ նոր քննության փոխանցելու համար¹⁸:

Վճռաբեկ դատարանն արձանագրում է, որ նոր քննության ընթացքում ստորադաս դատարանը, սույն որոշմամբ արտահայտված իրավական դիրքորոշումների հաշվառմամբ, պետք է քննության առնի Հսկող դատախազի՝ հանրային քրեական հետապնդում չհարուցելու մասին 2024 թվականի հոկտեմբերի 24-ի որոշման դեմ Կոռուպցիայի կանխարգելման հանձնաժողովի նախագահի պարտականությունները կատարող Մ.Գալստյանի բողոքը և հանգի համապատասխան հետևության:

Ելնելով վերոգրյալից և ղեկավարվելով Հայաստանի Հանրապետության Սահմանադրության 162-րդ, 163-րդ և 171-րդ հոդվածներով, Հայաստանի Հանրապետության քրեական դատավարության օրենսգրքի 31-րդ, 33-րդ, 34-րդ, 264-րդ, 281-րդ, 352-րդ, 359-րդ, 361-363-րդ ու 400-րդ հոդվածներով՝ Վճռաբեկ դատարանը

Ո Ր Ո Շ Ե Ց

1. ՀՀ հակակոռուպցիոն դատարանի՝ 2025 թվականի հունվարի 16-ի որոշումը և այն անփոփոխ թողնելու մասին ՀՀ վերաքննիչ հակակոռուպցիոն դատարանի՝ 2025 թվականի մարտի 6-ի որոշումը որոշակի՝ ՀՀ գլխավոր դատախազության ՀՀ հակակոռուպցիոն կոմիտեում մինչդատական վարույթի օրինականության նկատմամբ

¹⁸ Տե՛ս, *mutatis mutandis*, Վճռաբեկ դատարանի՝ Հրայր Հովսեփյանի գործով 2020 թվականի մայիսի 25-ի թիվ ԵԴ/0426/11/18 և Ավարթ Ամինի գործով 2023 թվականի հունվարի 25-ի թիվ ԵԴ/0752/06/22 որոշումները:

հակողության վարչության ավագ դատախազ Ա.Հակոբյանի՝ հանրային քրեական հետապնդում չհարուցելու մասին 2024 թվականի հոկտեմբերի 24-ի որոշման դեմ Կոռուպցիայի կանխարգելման հանձնաժողովի նախագահի պարտականությունները կատարող Մ.Գալստյանի բողոքն ըստ էության քննության չառնելու մասով, բեկանել և վարույթը փոխանցել ՀՀ հակակոռուպցիոն դատարան՝ նոր քննության:

2. Որոշումն օրինական ուժի մեջ է մտնում կայացնելու օրը:

Նախագահող՝

_____ Ռ.ՄԻԽԻԹԱՐՅԱՆ

Դատավորներ՝

_____ Ե.ԴԱՆԻԵԼՅԱՆ

_____ Ա.ԿՐԿՅԱՇԱՐՅԱՆ

_____ Ա.ՉԻՉՈՅԱՆ

_____ Դ.ՎԵՔԻԼՅԱՆ